

اوننگ گوجری نیوز بولیشن 14 فروری 2025

HEADLINES

۱. ملک اج پلوامہ دہشت گرد حملہ مانہہ شہید ہوا جوانان نانہہ یاد کر رہیو ہے اس موقعہ ور ملک گا وزیر اعظم نریندر مودی وزیر داخلہ امت شاہ تے جموں کشمیر غا ایل جی منوج سنہا نے شہید جوانان نانہہ زبردست خراج عقیدت پیش کیو ہے۔
۲. نائب صدر جمہوریہ جگدیپ دھنکڑ پلک جموں مانہہ اپنو دورو لاویں گا۔ اپنا دورہ غے دوران وے شری ماتا ویشنو دیوی یونیورسٹی غی دسویں کنویشن مانہہ شرکت کریں گا۔
۳. مرکزی سرکار نے بجلی شعبہ غا ڈھانچہ نانہہ مزید مضبوط بنان خاطر جموں کشمیر واسطے ۵ ہزار کروڑ روپیہ توں متی رقم مختص کی ہے۔
۴. مرکزی سرکار نے دسیو ہے جے سا ۲ ہزار ۳۲،۴۲ غے دوران ٹو ٹیکس توں ۴ سو ۶۳ عشاریہ ۶۸ کروڑ غی آمدنی آئی ہے۔
۵. ۱۱ تہارا تک چلن آلو دیویا کلا میلو جموں مانہہ شروع ہو گیو ہے۔

PULWAMA ATTACK

اج ملک اُن شہید نوجوانان نانہہ یاد کر رہیو ہے جہیرا جے سا ۹۱۰۲ مانہہ پلوامہ دہشت گردانہ حملہ مانہہ شہید ہو گیا تھا قابل زکر ہے جے اس دہشت گرد حملہ نانہہ اج ۶ سا مکمل ہو گیا ہیں جس مانہہ سی آر پی ایف غا ۰۴ جوان چہید ہو گیا تھا ملک غا وزیر اعظم نریندر مودی نے جموں کشمیر غا ضلع پلوامہ مانہہ ہوا خوفناک حملہ مانہہ ماریا گیا جوانان نانہہ زبردست خراج عقیدت پیش کیو ہے اپنا ایک سماجی میڈیا پوسٹ ور جانا مودی نے کہیو جے اُن آلی نسل ان شہید جوانان نانہہ ہمیشہ یاد کرتی رہے گی۔ جن نے ملک واسطے اپنی جان قربان کی ہیں ملک غا وزیر داخلہ مات شاہ نے وی پلوامہ حملہ مانہہ شہید ہوا جوانان نانہہ خراج عقیدت پیش کیو ہے جموں کشمیر غا لیفٹیننٹ گورنر منوج سنہا نے وی شہید جوانان غی بہادری نانہہ یاد کرتا واں کہیو جے ان بہادر جوانان غی ملک واسطے دتی قربانی اُن آلا نسلان نانہہ ہمیشہ متاثر کرتی رہے گی۔

VP JAMMU VISIT

نائب صدر جمہوریہ جگدیپ دھنکڑ اتے کل جموں مانہہ اپنو دورو لاویں گا قابل زکر ہے جے اپنا اس دورہ غے دوران جانا دنکڑ شری ماتا ویشنو دیوی یونیورسٹی غا میٹرکا ایڈیٹوریم کیمپس کٹرا مانہہ منعقد ہون آلی دسیوی کنویشن مانہہ مہمان خصوصی غا طور ور صدارت وی کریں گا۔ آکاشوانی جموں گا نامہ نگار نے خبر ثوری ہے جے نائب صدر جمہوریہ ضلع ریاسی مانہہ موجود شری ماتا ویشنو دیوی شرانین تے بیرو مندر جہیڑو جے ضلع ریاسی غی اچی ترکوٹہ پہاڑی ور موجود ہے اُت مٹھو وی ٹیکیں گا۔ جانا دنکڑ نے پہلا اپنو یو دورو ماتا ویشنو دیوی یونیورسٹی کیمپس مانہہ گزشتہ سا غا دسمبر مہینہ مانہہ لانو تھو مگر ان گو یوہ دورو ملک گا سابقہ وزیر اعظم داخلہ من موہن سنگھ غی موت واقع ہون غے پیش نظر ملتوی ہو گیو تھو۔

JK POWER INFRA

مرکزی سرکار نے بجلی غا ڈھانچہ نانہہ مزید مضبوط تے مستحکم بنان واسطے جموں کشمیر نانہہ ۵ ہزار کروڑ توں متی روپیہ غی رقم بکھ بکھ مرکز غی طرفوں لاگو کی جان آلی سکیمیاں غے تحت واگزار کیا ہیں آکاشوانی جموں غا نامہ نگار نے خبر ثوری ہے جے ۵ ہزار تے ۸ سو ۵۳ کروڑ روپیہ غی رقم جموں کشمیر نانہہ بجلی غا ڈھانچہ نانہہ مضبوط کرن خاطر دیتا ہیں۔ اس گل غی کانکاری اج لوک سبھا مانہہ جموں کشمیر بجلی غا ڈھانچہ بارے مالی تعاون غا ایک سو گا جوا دین غے دوران دتی۔

WATERHSED YATRA RAMBAN

ضلع ترقیاتی کمشنر بسیر اُ حق غی رہنمائی مانہہ پردھنا منتری کرشی سنجائی یوجنا ۲ اشاریہ صفر غے تحت واٹر شیڈ مہم ۵۲۰۲ غو آغاز آخر سا سٹیٹڈ ضلع رام بن تیں کیو گیو۔ اس یاترا نانہہ ضلعی ترقیاتی کونسل رام بن غی چئیر پرسن ڈاکٹر شمشاد شان تے رام بن غا قانون ساز ارجن سنگھ راجو نے چھنڈی دس غے روانہ کیو۔ یام مہیم بار غا اپانی نانہہ محفوظ کرن شکرکاری تے عوامی شمولیت ور مرکوز ہے اس منصوبہ غے تحت آخر مانہہ ۳ ہزار ۰۰۳ ایکڑ زمین نانہہ بہتر بنایو جے غو تاجے ماحولیاتی توازن تے پانی غا ذخیرہ غی صلاحیت مانہہ اجافو وے۔ اس گو مقصد پانی غا تحفظ تے پائیدار زمین غا نظام نانہہ فروغ دینو ہے نا ہی مقامی برادریاں نانہہ باختیار بنانو وی اس غو ایک اہم پہلو ہے۔ اس موقع ور خطا کرتا واں ڈی ڈی سی چئیر پرسن نے مربوط واٹر شیڈ گا انتظام غی اہمیت ور زور دتو انہاں نے مزید اس طرح کہیو۔

ANNOUNCEMENT

علاقائی خبراں آلو شعبو آکاشوانی جموں کی طرفوں ضلع کٹھوعہ واسطے عارضی نامہ نگاراں یعنی پی ٹی سی گو پینل بنان غی خاطر درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا امیدوار درخواست دے سکیں گا جہیرا ضلع کٹھوعہ غا بسنیک وین تے اُن غی عمر غی حد ۴۲ براں تیں ۰۵ براں توڑی مقرر کی گئی ہے۔ پی ٹی سی غی اس پوسٹ واسطے تعلیمی قابلیت پی جی ڈپلمو یاہ صحافت غا شعبہ مانہہ ڈگری یاہ فر کسے وی تسلیم شدہ یونیورسٹی تیں گرجیشن غے ہمراہ ۲ براں غو صحافت مانہہ تجربو مقرر کی گئی ہے۔ اس توں علاوہ کمپیوٹر تے وڈ پروسیسنگ نالے خبر اکٹھی کرن آلا آلات تے میڈیا کوریج مانہہ تجربو وی ضروری رکھیو گیو ہے عارضی نامہ نگار غی پوسٹ مانہہ دلچسپی رکھن آلا امیدوار واسطے لازمی ہے جے وے ضلع صدر دفتر کٹھوعہ یاہ اس تیں ۰۱ کلو میٹر غا دائیرہ غے اندر رہائش پزیر وے۔ اس سلسلہ مانہہ درخواست غی ہاڈ کاپی ضروری دستاویزات غے ہمراہ ہیڈ ريجنل نیوز یونٹ آکاشوانی پنجتر تھی جموں مانہہ بڑاں خودد آئیندہ ۵۱ فروری توڑی دینی ویگی۔ اس بارے مزید جانکاری ور دستیا www.newsonair.gov.in ہے۔ ویب سائٹ

JK TOLL TAX

جموں کشمیر مرکزی زیر انتظام علاقہ مانہہ ٹا ٹیکس غی آمدنی مانہہ پچھلا ۵ براں مانہہ اضافو ہوو ہے لوک سیہا مانہہ پیش کیا گیا اعدادو شمار غے مطابق یا آمدنی مالی سل ۲ ہزار ۹۱،۰۲ مانہہ ۱ سو ۰۳ کروڑ تے ۷ لکھ روپیہ تھی جہیڑی بدھ غے سل ۲ ہزار ۳۲،۴۲ مانہہ ۴ سو ۶۳ کروڑ تے چھاسی لکھ تک پُچ گئی ہے۔ آکاشوانی جموں کا نامہ نگار غی رپوٹ غے مطابق اگر اس نانہہ دوجی ریاستاں غے نا ملاویں تاں جموں کشمیر غی آمدنی نسبتاً کم ہے۔ مچا گا طور ور اتر پردیش نے مالی سل ۲ ہزار ۴۲،۳۲ مانہہ ۶ ہزار ۶ سو ۵۹ کروڑ تے ۰۴ لکھ روپیہ غی ٹو ٹیکس آمدنی حاصل کی تے راجستھان مانہہ یاہ رقم ۵ ہزار ۵ سو ۹۴ کروڑ تے ۸۴ لکھ روپیہ رہی۔ ات تک کہ پنجا مانہہ مالی سل ۲ ہزار ۱۲،۰۲ مانہہ ٹو ٹیکس غی آمدنی مانہہ کمی دیکھن مانہہ آئی تے یوہ ۲ سو ۲۸ کروڑ تے ۵۱ لکھ روپیہ ہی رہیو جہیڑو ۲ ہزار ۴۲،۳۲ مانہہ تیزی تیں بدھ غے ۱ ہزار ۴ سو ۱۹ کروڑ تے ۴۹ لکھ روپیہ تک پُچ گیو جہیڑی جموں کشمیر غی آمدنی تیں ترے گناہ زیادہ ہے۔

JAL SHAKTI JK

جموں کشمیر کا دیہی علاقہ مانہہ ۰۸ فی صد تیں زیادہ گھراں مانہہ ہُن پانی نلکاں غے زریوے پُچے مرکزی جل شکتی غا وزیر سی۔ آر پائل نے لوک سیہا مانہہ دسیو جے اگست ۹۱۰۲ مانہہ جل جیون مشن غا آغاز تیں بعد نل غی سہولت آلا گھراں غی تعداد ۵ اشاریہ ۵۷ لکھ تیں بدھ غے ۵۱ اشاریہ ۵۵ لکھ ہوگئی ہے۔ وزیر نے مزید دسیو کہ جل جیون ابھیان کیچ دا رین مہیم نانہہ بار غا پانی نانہہ محفوظ کرن تے زیر زمین پانی غا ذخیرہ نانہہ بدھان واسطے نافز کیو گیو ہے جس مانہہ خواتین غا کردار ور خاص زور دتو گیو ہے۔ ۲ ہزار ۵۲،۴۲ مشن غی آخری تاریخ مانہہ اجیں چند مہینہ باقی ہیں تے جموں کشمیر مکمل طور ور دیہی علاقہ مانہہ نل تیں پانی پُجان غے قریب ہے۔

DIVYA KALA MELA

دویا کالا میلہ ایک منفرد نمائش ہے جہیڑی ملک پھر غا معزور دیویانگ کاروباری افراد تے ہُنر مندی غی صلاحیتاں نانہہ نمایاں کرے۔ یاہ نمائش جموں مانہہ آج تیں شروع ہو گئی ہے۔ جس غو انعقاد معزور افراد غی فلاح و بہبود غا محکمہ نے کیو ہے۔ یوہ میلو ۴۲ فروری تک روزانہ سویرے ۰۱ بجے تیں رات ۹ بجے تک جاری رہے۔ یوہ میلو دستکاری، ہتھ کڈی، مصنوعات گھریلو سجاوٹ، غا سامان ماحو دوست، اشیا ذیورات نامیاتی مصنوعات تے دوجی اشیاء ور مشتمل وے گی۔ جس مانہہ ۰۲ تیں زیادہ ریاستاں تے مرکز غے زیر انتظام علاقہ تیں ۰۱ تیں زیادہ ہُنر مند شرکت کر رہیا ہیں۔ زائرین ثقافتی پروگراماں تے علاقائی کھاناں تیں وی اُطف اندوز ہو سکیں۔ جموں غی ضلعی انتظامیہ نے لوکاں ور زور دتو ہے جے اس پہل مانہہ بھر پور حصو لیں تے اس غی حمایت کریں۔ اس سلسلہ مانہہ گل کرتا واں ڈی سی جموں سچین کمار ویشیا نے اس طرح کہیو۔
